

Consul Corporal Matthea berichtet worden / das allda ein Florentiner Capitein / so ihme Schwiegerlich verwandt were / vnd mich gebeten: Ob ich nicht lust hette / mit ihme in Alexandria in Egypten zu siegeln. Als ich ihme nun solches zugesagt / habe ich mich mit gemeltem Capitein wegen meiner besoldung vereinigt. Sind also von Liorno nach Panofa vnd monte Christi gesiegelt / von dar nach den Inseln Maretime vnd Fanoiana / vor Winde bey Süden Sicilien gespaziret / folgendts fuhrten wir bey Süden Gozam vnd Candia / kamen also auch vnter Cypris / von dar siegelten wir auff Alexandria mit gutem glücklichem Winde / darselbst wir dann in die drittehalb Monat stille lagen / vmb vnser schiff mit Wahre von Cairo einzuladen.

Folgendts reifete ich mit diesem Capitein von Alexandria auff Cairo: Alhier ist ein Schlesiſcher Edelman / mit namen Johan von Düren / bey vns in Kundtschafft kommen / der hatte drey Diener bey sich / vnd berichtete / wie er zu Constantinopel bey der Röm. Keyf. May. Botschafft gewesen / sagte ferner / daß er sich hette fürgesetzt / das gelobte Landt zu besuchen / also were er mit seinen Dienern zu Lande mit des Türckischen Keyfers Paß von Constantinopel in Natolia gereiset / von dar nach Sirien, vnd also nach Hierusalem kommen / daselbst er dann das Grab vnser H & X & vnd Heilandes Christi gesehen / were nun endlich auch zu Cairo angelangt. Folgendts erkündigte er sich bey vnserm Capitein / ob er nebenst seinen beyhabenden Dienern auff diß Schiff Passasse kommen könnte / vnd mit vns nach Liorno zu siegeln / darauff erklärete sich der Capitein / daß er ihne mit vbernehmen wolte / vnd worden gänzlich d Sachen eins: sindt demnach zu Lande von Cairo wieder nach Alexandria gereiset.

Dieweil dann auch die Türcken vnd Egyptier keinen Wein trincken / haben sie dennoch sehr wol schmeckende Wasser / die von allerley köstlichen Kreutern zugerichtet seyn / so hinn vnd wieder auff den Gassen vmb Belt verkaufft wird / nemlich vmb 1. oder 2. Follo wird ein zimlich schüsselchen voll des Wassers gegeben / vnd gehen 6. Folla auff einen Medin, ist ein Lübsch schill. Vmb diese zeit hat es sichs allhie in Alexandria zugetragen /